



প্রিয় নবী ﷺ এর সম্মানিত পিতামাতা

29-October-2020

সাপ্তাহিক সূন্নাতে ভরা ইজতিমার
সূন্নাতে ভরা বয়ান
(Bangla)

(For Islamic Brothers)

الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى سَيِّدِ الْمُرْسَلِينَ ط
 أَمَّا بَعْدُ فَأَعُوذُ بِاللَّهِ مِنَ الشَّيْطَانِ الرَّجِيمِ ط بِسْمِ اللَّهِ الرَّحْمَنِ الرَّحِيمِ ط
 الصَّلَاةُ وَالسَّلَامُ عَلَيْكَ يَا رَسُولَ اللَّهِ وَعَلَى أٰلِكَ وَأَصْحَابِكَ يَا حَبِيبَ اللَّهِ
 الصَّلَاةُ وَالسَّلَامُ عَلَيْكَ يَا نَبِيَّ اللَّهِ وَعَلَى أٰلِكَ وَأَصْحَابِكَ يَا نُورَ اللَّهِ
 نَوَيْتُ سُنَّتَ الْإِعْتِكَافِ

(অর্থাৎ আমি সূনাত ইতিকাহের নিয়ত করলাম।)

প্রিয় ইসলামী ভাইয়েরা! যখনই মসজিদে প্রবেশ করবেন, মনে করে নফল ইতিকাহের নিয়ত করে নিন। কেননা, যতক্ষণ মসজিদে থাকবেন, নফল ইতিকাহের সাওয়াব অর্জিত হতে থাকবে এবং সাধারণভাবে মসজিদে খাওয়া-দাওয়াও জায়য হয়ে যাবে। ইতিকাহের নিয়তও শুধুমাত্র খাওয়া দাওয়া বা ঘুমানোর জন্য যেনো না হয় বরং এর উদ্দেশ্য যেনো আল্লাহ পাকের সন্তুষ্টি জন্যই হয়। ফতোওয়ায়ে শামীতে বর্ণিত রয়েছে: যদি কেউ মসজিদে খাওয়া দাওয়া বা ঘুমাতে চায় তবে ইতিকাহের নিয়ত করে নিন, কিছুক্ষণ আল্লাহ পাকের যিকির করণ অতঃপর যা ইচ্ছা করণ (অর্থাৎ এবার চাইলে খাওয়া দাওয়া বা ঘুমাতে পারেন)।

দরুদ শরীফের ফযীলত

রাসূলে পাক صَلَّى اللَّهُ عَلَيْهِ وَآلِهِ وَسَلَّمَ ইরশাদ করেন: مَنْ سَرَّهُ أَنْ يَلْقَى اللَّهَ غَدًا رَاضِيًا فَلْيُكْثِرِ الصَّلَاةَ عَلَيَّ
 উপস্থিত হওয়ার সময় আল্লাহ পাক তার প্রতি সন্তুষ্টি থাকবে তবে তার উচিত, আমার প্রতি অধিকহারে দরুদ শরীফ পাঠ করা।

(মুসনাদুল ফিরদাউস, ২/২৮৪, হাদীস ৬০৮৩)

صَلُّوا عَلَيَّ الْحَبِيبِ! صَلَّى اللَّهُ عَلَيَّ مُحَمَّدٍ

প্রিয় ইসলামী ভাইয়েরা! আল্লাহ পাকের সন্তুষ্টি ও সাওয়াব অর্জনের উদ্দেশ্যে প্রথমে কিছু ভালো ভালো নিয়্যত করে নিই। প্রিয় নবী ﷺ ইরশাদ করেন: “نَبِيَّةُ الْمُؤْمِنِ خَيْرٌ مِنْ عَمَلِهِ” মুসলমানের নিয়্যত তার আমল অপেক্ষা উত্তম।

(মু'জামুল কাবীর, সাহাল বিন সা'আদ, ৬/১৮৫, হাদীস নং ৫৯৪২)

গুরুত্বপূর্ণ পয়েন্ট: নেক ও জায়িয় কাজে যত ভালো নিয়্যত হবে, সাওয়াবও তত বেশি পাওয়া যাবে।

বয়ান শ্রবণ করার নিয়্যত সমূহ

★ দৃষ্টিকে নত রেখে মনোযোগ সহকারে বয়ান শ্রবণ করবো।
★ হেলান দিয়ে বসার পরিবর্তে ইলমে দ্বীনের সম্মানার্থে যতক্ষণ সম্ভব দু'যানু হয়ে বসবো। ★ تَوْبُوْا اِلَى اللّٰهِ، اذْكُرُوْا اللّٰهَ، صَلُّوْا عَلٰى الْحَبِيْبِ! ইত্যাদি শুনে সাওয়াব অর্জন এবং আওয়াজ প্রদানকারীর মনতুষ্টির জন্য উচ্চস্বরে উত্তর প্রদান করবো। ★ ইজতিমার পর নিজেই আগে এসে সালাম ও মুসাফাহা এবং এক একজনকে ব্যক্তিগতভাবে বুঝাবো।

صَلُّوْا عَلٰى الْحَبِيْبِ! صَلِّ اللّٰهُ عَلٰى مُحَمَّدٍ

প্রিয় ইসলামী ভাইয়েরা! রবিউল আউয়ালের মুবারক মাস তার বরকত ছড়িয়ে যাচ্ছে। চারিদিকে প্রিয় নবী ﷺ এর আগমনের খুশি। আশিকানে রাসূল প্রিয় নবী ﷺ এর স্মরণে নিজেদের মন ও মননকে সুবাসিত করছে। ★ কোথাও তাঁর বিলাদতের আলোচনা হচ্ছে আর কোথাও তাঁর উৎকর্ষতার (Virtues) বর্ণনা। ★ কোথাও তাঁর শান ও মহত্বের বর্ণনা হচ্ছে আবার কোথাও তাঁর মুবারক চরিত্রের কল্যাণময় আলোচনা হচ্ছে। ★ কোথাও প্রিয় মুস্তফার ইবাদতের বর্ণনা

হচ্ছে আর কোথাও মুস্তফার নেতৃত্বের চর্চা হচ্ছে। ☆ কোথাও মুস্তফার শাফায়াতের আলোচনা হচ্ছে আবার কোথাও তাঁর অনুগ্রহের চর্চা হচ্ছে। ☆ কোথাও তাঁর মহত্বের বর্ণনা হচ্ছে আর কোথাও তাঁর উচ্চ মর্যাদার আলোচনা হচ্ছে। ☆ কোথাও মুস্তফার ক্ষমতার বর্ণনা হচ্ছে আর কোথাও মুস্তফার বীরত্বের আলোচনা হচ্ছে। ☆ কোথাও মুস্তফার কৃপাদৃষ্টির কথা হচ্ছে আর কোথাও মুস্তফার দানের বর্ণনা হচ্ছে। ☆ কোথাও মুস্তফার বংশের চর্চা হচ্ছে আর কোথাও নবুয়তের বরকতের বর্ণনা হচ্ছে। ☆ কোথাও মুস্তফার মেরাজের কথা হচ্ছে আর কোথাও মুস্তফার চরিত্রের বর্ণনা হচ্ছে। ☆ কোথাও মুস্তফার ক্ষমতার আলোচনা হচ্ছে আবার কোথাও মুস্তফার দয়ার বর্ণনা হচ্ছে। ☆ কোথাও মুস্তফার হিজরতের কথা হচ্ছে আর কোথাও মুস্তফার সম্ভাষনের বর্ণনা হচ্ছে। যেনো প্রতিটি কণা কণা মুস্তফার মিলাদের বরকত হতে নিজ নিজ অংশ পাচ্ছে। আসুন! এরই প্রসঙ্গে আজ আমরাও প্রিয় নবী صَلَّى اللهُ عَلَيْهِ وَآلِهِ وَسَلَّمَ এর পিতামাতা সম্পর্কে শুনবো। আল্লাহ পাক আমাদেরকে সম্পূর্ণ বয়ান ভাল ভাল নিয়্যত সহকারে শুনান সৌভাগ্য নসীব করে।

صَلُّوا عَلَى الْحَبِيبِ! صَلَّى اللهُ عَلَيْهِ وَآلِهِ وَسَلَّمَ

প্রিয় নবী صَلَّى اللهُ عَلَيْهِ وَآلِهِ وَسَلَّمَ এর আব্বাজানের শান

হযরত সায়্যিদুনা আব্দুল্লাহ বিন আব্দুল মুত্তালিব رَضِيَ اللهُ عَنْهُمَا হলেন প্রিয় নবী صَلَّى اللهُ عَلَيْهِ وَآلِهِ وَسَلَّمَ এর পিতা মহোদয়। তাঁর নাম মুবারক আব্দুল্লাহ, উপনাম আবু মুহাম্মদ, আবু আহমদ এবং আবু কুসাম (অর্থাৎ মঙ্গল ও কল্যাণ কুড়ানো ব্যক্তি)। (শরহে যুরকানি আলাল মাওয়াহেব লিদ দুনিয়া, ১/১৩৫) তাছাড়া সম্মানিতা আম্মাজানের নাম মুবারক হলো আমেনা رَضِيَ اللهُ عَنْهَا। হযরত

সায়্যিদুনা আব্দুল্লাহ رَضِيَ اللهُ عَنْهُ তাঁর পিতা হযরত আব্দুল মুত্তালিব رَضِيَ اللهُ عَنْهُ এর সকল সন্তানের মধ্যে সবচেয়ে বেশী স্নেহভাজন ও প্রিয় ছিলেন। কোরাইশ গোত্রের সকল সুন্দরী মহিলারা হযরত সায়্যিদুনা আব্দুল্লাহ رَضِيَ اللهُ عَنْهُ কে বিবাহ করার আবেদন করেন কিন্তু হযরত আব্দুল মুত্তালিব رَضِيَ اللهُ عَنْهُ এমন মহিলার খোঁজে ছিলেন যিনি সৌন্দর্যের পাশপাশি বংশ মর্যাদার আভিজাত্য এবং উচ্চ স্তরের পুতঃপবিত্রও হবে।

অদৃশ্য আরোহীরা প্রাণে বাঁচালো (ঘটনা)

একদিন হযরত সায়্যিদুনা আব্দুল্লাহ رَضِيَ اللهُ عَنْهُ জঙ্গলে গেলেন, সিরিয়ার অমুসলিমরা কতিপয় নির্দশন দ্বারা বুঝে গেলো যে, তিনিই হলেন আল্লাহ পাকের শেষ নবী صَلَّى اللهُ عَلَيْهِ وَآلِهِ وَسَلَّمَ এর সম্মানিত পিতা। অতএব তারা হযরত সায়্যিদুনা আব্দুল্লাহ رَضِيَ اللهُ عَنْهُ কে অনেকবার হত্যা (অর্থাৎ শহীদ) করার চেষ্টা করলো কিন্তু আল্লাহ পাক আপন দয়া ও অনুগ্রহে তাঁকে বাঁচিয়ে নেন। সুতরাং অদৃশ্য জগত থেকে হঠাৎ কিছু এমন আরোহী এলো, যারা এই দুনিয়ার লোকদের মতো নয়, তাঁরা এসে তাঁর শত্রুদেরকে মেরে তাড়িয়ে দিলো আর হযরত সায়্যিদুনা আব্দুল্লাহ رَضِيَ اللهُ عَنْهُ কে নিরাপদে তাঁর বাড়ি পর্যন্ত পৌঁছে দিলো।

বিবাহ হয়ে গেলো

(হযরত বিবি আমেনা رَضِيَ اللهُ عَنْهَا এর সম্মানিত পিতা) হযরত ওয়াহাব বিন মানাফ رَضِيَ اللهُ عَنْهُ ও সেদিন জঙ্গলে ছিলেন আর তিনি নিজের চোখে এসব কিছু দেখেন। তখন তাঁর মাঝে হযরত সায়্যিদুনা আব্দুল্লাহ رَضِيَ اللهُ عَنْهُ এর প্রতি অশেষ প্রেম ও ভক্তি সৃষ্টি হয়ে গেলো, বাড়ি ফিরে এরূপ প্রতিজ্ঞা করে নিলেন যে, আমি আমার চোখের মণি হযরত আমেনা

رَضِيَ اللهُ عَنْهَا এর বিবাহ হযরত সাযিয়দুনা আব্দুল্লাহ رَضِيَ اللهُ عَنْهُ এর সাথে দিবো। অতএব নিজের এই মনোবাসনাকে নিজের কয়েকজন বন্ধুর মাধ্যমে তিনি হযরত আব্দুল মুত্তালিব رَضِيَ اللهُ عَنْهُ পর্যন্ত পৌঁছিয়ে দেন। আল্লাহ পাকের অপূর্ব মহিমা যে, হযরত সাযিয়দুনা আব্দুল মুত্তালিব رَضِيَ اللهُ عَنْهُ নিজের চোখের মণি হযরত সাযিয়দুনা আব্দুল্লাহ رَضِيَ اللهُ عَنْهُ এর জন্য যেমন কনের খোঁজ করছিলেন, সেই সকল গুণাবলী হযরত বিবি আমেনা বিনতে ওয়াহাব رَضِيَ اللهُ عَنْهَا এর মাঝে বিদ্যমান ছিলো। সুতরাং চব্বিশ বছর বয়সে হযরত সাযিয়দুনা আব্দুল্লাহ رَضِيَ اللهُ عَنْهُ এর সাথে হযরত বিবি আমেনা رَضِيَ اللهُ عَنْهَا এর বিবাহ হয়ে গেলো আর নূরে মুহাম্মদী হযরত হযরত সাযিয়দুনা আব্দুল্লাহ رَضِيَ اللهُ عَنْهُ থেকে স্থানান্তরিত হয়ে হযরত বিবি আমেনা رَضِيَ اللهُ عَنْهَا এর পেট মুবারকে তাশরীফ নিয়ে আসে।

হযরত আব্দুল্লাহর ওফাত

যখন গর্ভ শরীফের দুই মাস পূর্ণ হলো তখন হযরত সাযিয়দুনা আব্দুল মুত্তালিব رَضِيَ اللهُ عَنْهُ হযরত হযরত সাযিয়দুনা আব্দুল্লাহ رَضِيَ اللهُ عَنْهُ কে খেজুর আনার জন্য মদীনায়ে পাকে প্রেরণ করেন বা ব্যবসার জন্য সিরিয়ায় পাঠালেন। সেখান থেকে ফিরার সময় মদীনায়ে পাকে তাঁর পিতার (অর্থাৎ হযরত সাযিয়দুনা আব্দুল মুত্তালিব رَضِيَ اللهُ عَنْهُ) নানার বাড়ী “বনু আদী বিন নাজারে” এক মাস অসুস্থ থাকার পর ২৫ বছর বয়সে হযরত সাযিয়দুনা আব্দুল্লাহ رَضِيَ اللهُ عَنْهُ ইত্তিকাল করলে তাঁকে ‘দারে নাবাগা’য় দাফন করা হয় এবং সেখানেই তাঁর মায়ার শরীফ বানানো হয়।

(মাদারিজুন নবুওয়ত, ২য় অংশ, ১ম অধ্যায়, ১২-১৪ পৃষ্ঠা)

বিবি আমেনার ওফাত

প্রিয় নবী, রাসূলে আরবী صَلَّى اللهُ عَلَيْهِ وَآلِهِ وَسَلَّمَ এর মুবারক বয়স যখন ৫/৬ বছর হলো, তখন তাঁর আন্মাজান হযরত বিবি আমেনা رَضِيَ اللهُ عَنْهَا ছয়র صَلَّى اللهُ عَلَيْهِ وَآلِهِ وَسَلَّمَ কে সাথে নিয়ে মদীনা শরীফ তাঁর দাদাজান হযরত সায়্যিদুনা আব্দুল মুত্তালিব رَضِيَ اللهُ عَنْهُ এর নানার বাড়ী বনু আদী বিন নাজারে সাক্ষাত করতে যান, তাঁর খাদেমা উম্মে আয়মন رَضِيَ اللهُ عَنْهَا ও সাথে ছিলেন, যখন ফিরে আসছিলেন তখন “আবওয়াহ” নামক স্থানে হযরত বিবি আমেনা رَضِيَ اللهُ عَنْهَا ইত্তিকাল করেন আর সেখানেই দাফন হন।

ওফাতের সময় বিবি আমেনা এই শের পাঠ করেন

ইত্তিকালের সময় হযরত বিবি আমেনা رَضِيَ اللهُ عَنْهَا তাঁর প্রিয় সন্তান, উভয় জগতের সর্দার, মুহাম্মদে মুস্তফা صَلَّى اللهُ عَلَيْهِ وَآلِهِ وَسَلَّمَ এর দিকে ভালবাসার দৃষ্টিতে তাকালেন আর কয়েকটি আরবী শের পাঠ করলেন: (যার বঙ্গানুবাদ কিছুটা এমন:) হে পরিছন্ন সন্তান! আল্লাহ পাক তোমার মাঝে বরকত রাখুক। হে তাঁর সন্তান! যিনি বড় নেয়ামত সম্পন্ন বাদশাহ আল্লাহ পাকের সাহায্যে মৃত্যু থেকে মুক্তি পেয়েছিলো, (হে আমার প্রিয় সন্তান!) যা কিছু আমি স্বপ্নে দেখেছি, তা ঠিক, তুমি তো সম্মান ও মহত্ববান আল্লাহ পাকের পক্ষ থেকে সৃষ্টির প্রতি পয়গম্বর হয়ে এসেছো। তুমি হেরেম ও হেরেম নয় এমন সব এলাকার পক্ষে ইসলামের জন্য প্রেরিত হয়েছে, যা তোমার নেককার পিতা (আল্লাহ পাকের প্রিয় নবী হযরত সায়্যিদুনা) ইব্রাহিম عَلَيْهِ السَّلَام এর দ্বীন ছিলো, এজন্য আমি আল্লাহ পাকের শপথ দিচ্ছি, তোমাকে আল্লাহ ব্যতীত অন্য কারো সম্পর্কে নিষেধ করছি যেন বিভিন্ন জাতীর সাথে মিশে সেসব প্রতিপালকের সাথে বন্ধুত্ব করো না। (আল মাওয়াহিবুল লাদুনিয়া, মাকসাদুল আউয়াল, যিকিরে রেযাআত, ১/৮৮-৮৯)

দুনিয়া মারা যাবে কিন্তু আমি কখনো মরবো না!

হাকীমুল উম্মত হযরত মুফতী আহমদ ইয়ার খাঁন নঈমী رَحْمَةُ اللهِ عَلَيْهِ বলেন: হযরত বিবি আমেনা رَضِيَ اللهُ عَنْهَا এর এই রোগে প্রিয় আকা, মক্কী মাদানী মুস্তফা صَلَّى اللهُ عَلَيْهِ وَآلِهِ وَسَلَّمَ তাঁর মাথা মুবারক টিপে দিতেন এবং কান্না করতেন, হযুর صَلَّى اللهُ عَلَيْهِ وَآلِهِ وَسَلَّمَ এর অশ্রু তাঁর (আম্মাজানের) চেহারায় পড়লে তখন চোখ খুললেন আর নিজের ওড়না দিয়ে তাঁর (রাসূলে পাক صَلَّى اللهُ عَلَيْهِ وَآلِهِ وَسَلَّمَ এর) অশ্রু মুছে দিয়ে বললেন: “দুনিয়া মারা যাবে কিন্তু আমি কখনোই মরবো না, কেননা আমি তোমার মতো সন্তান রেখে যাচ্ছি, যার কারণে পূর্ব পশ্চিমে আমার চর্চা হবে।” এই যুগের অলীয়ার এই বাণীটি পুরোপুরি সঠিক বলে (প্রমাণিত) হলো। (মিরাতুল মানাজিহ, ২/৫২৩)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

ওফাত প্রাপ্ত পিতামাতা জীবিত হয়ে গেলো!

হে আশিকানে রাসূল! প্রত্যেকেরই আপন পিতামাতা প্রিয় হয়ে থাকে আর আমাদের প্রিয় নবী صَلَّى اللهُ عَلَيْهِ وَآلِهِ وَسَلَّمَ এর ক্ষেত্রে এর বিপরীত ঘটবে কেন! নিজ সম্মানিত পিতামাতাকে স্বীয় উম্মতের অন্তর্ভুক্ত করে নেয়ার জন্য মহান আল্লাহ পাকের প্রদত্ত ক্ষমতাবলে কিরূপ আজিমুশ্বান মুজিয়া দেখিয়েছেন, আসুন তা শুনি এবং আনন্দে মেতে উঠি:

ইমাম আবুল কাসেম আব্দুর রহমান সুহাইলি উদ্ধৃত করেন: উম্মুল মুমিনীন হযরত বিবি আয়েশা সিদ্দিকা رَضِيَ اللهُ عَنْهَا বর্ণনা করেন: নবী করীম صَلَّى اللهُ عَلَيْهِ وَآلِهِ وَسَلَّمَ দোয়া করলেন: “হে আল্লাহ পাক! আমার পিতামাতাকে জীবিত করে দাও।” আল্লাহ পাক আপন প্রিয় হাবীবের দোয়া কবুল করে তাঁর পিতামাতা উভয়কে জীবিত করে দিলেন এবং তাঁরা জীবিত হয়ে শেষ

নবী صَلَّى اللهُ عَلَيْهِ وَآلِهِ وَسَلَّمَ এর উপর ঈমান আনলেন অতঃপর নিজ নিজ মাযার মুবারকে তাশরিফ নিয়ে গেলেন। (আর রওজুল উনুফ, ১/২৯৯)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

সম্মানিত পিতামাতা কখনো আল্লাহ ব্যতীত
অন্য কারো ইবাদত করেননি

সাবধান! এথেকে কেউ এরূপ মনে করবে না যে, রাসূলে পাক صَلَّى اللهُ عَلَيْهِ وَآلِهِ وَسَلَّمَ এর সম্মানিত পিতামাতাদ্বয় مَعَادَ اللهِ (আল্লাহর পানাহ) কাফের অবস্থায় মৃত্যুবরণ করেছিলেন এবং তাঁরা কবর আযাবে লিপ্ত ছিলেন, তাই প্রিয় নবী صَلَّى اللهُ عَلَيْهِ وَآلِهِ وَسَلَّمَ তাঁদেরকে কলেমা পড়িয়ে মুসলমান করেছেন, যাতে আযাব থেকে মুক্তি পায়। কখনোই এরূপ নয় বরং তাঁরা উভয়ে একত্ববাদে বিশ্বাসী ছিলেন (অর্থাৎ এক আল্লাহর উপর বিশ্বাসী ছিলেন) আর কখনোই তাঁরা আল্লাহ ব্যতীত অন্য কারো ইবাদত করেননি। রাসূলে পাক صَلَّى اللهُ عَلَيْهِ وَآلِهِ وَسَلَّمَ তাঁদেরকে নিজের উম্মতের মধ্যে অন্তর্ভুক্ত করার জন্যই পুনরায় জীবিত করে কলেমা পাঠ করিয়েছিলেন।

প্রিয় নবী صَلَّى اللهُ عَلَيْهِ وَآلِهِ وَسَلَّمَ এর বাপদাদারা ঈমানদার ছিলেন

হাকীমুল উম্মত হযরত মুফতী আহমদ ইয়ার খাঁন رَحْمَةُ اللهِ عَلَيْهِ বলেন: হযরত আমেনা খাতুন رَضِيَ اللهُ عَنْهَا এর ঈমানদার হওয়া কোরআনে করীমের স্পষ্ট আয়াত দ্বারা প্রমাণিত। হযরত ইব্রাহিম عَلَيْهِ السَّلَام দোয়া করেছিলেন: وَ مِنْ ذُرِّيَّتِنَا أُمَّةٌ مُسْلِمَةٌ لَكَ (কানযুল ঈমান থেকে অনুবাদ: আর আমাদের বংশধরদের মধ্য থেকে একটা উম্মতকে তোমারই অনুগত করো।) (পারা ১, সূরা বাকারা, আয়াত ১২৮) অতঃপর আল্লাহ পাকের দরবারে আরয করলেন: رَبَّنَا وَابْعَثْ فِيهِمْ رَسُولًا مِنْهُمْ (কানযুল ঈমান থেকে অনুবাদ: হে আমাদের প্রতিপালক! আর

প্রেরণ করো তাদের মধ্যে একজন রাসূল তাদেরই মধ্য থেকে।) (পারা ১, সূরা বাকারা, আয়াত ১২৯) আল্লাহ! আমার বংশধরদের মধ্যে সর্বদা একটি মুমিন দল রাখো আর হে মণ্ডলা! এই মুমিনের দলে শেষ নবী (صَلَّى اللهُ عَلَيْهِ وَآلِهِ وَسَلَّمَ) কে প্রেরণ করো, হযরত সায়্যিদুনা ইব্রাহিম খলিলুল্লাহ عَلَيْهِ السَّلَام এর এই দোয়া নিঃসন্দেহে কবুল হয়েছে, রাসূলে পাক صَلَّى اللهُ عَلَيْهِ وَآلِهِ وَسَلَّمَ এর সকল পূর্বপুরুষ (অর্থাৎ পিতা, দাদা, দাদার পিতা এভাবে একেবারে উপরে পর্যন্ত) সবই ঈমানদার ছিলেন। (মিরাতুল মানাজ্জিহ, ২/৫২৪)

জান্নাতী মাছ

হযরত সায়্যিদুনা ইসমাইল হক্কী رَحْمَةُ اللهِ عَلَيْهِ তাফসীরে রুহুল বয়ানে উদ্ধৃত করেন: হযরত সায়্যিদুনা ইউনুস عَلَيْهِ السَّلَام তিনদিন বা সাতদিন কিংবা চল্লিশদিন মাছের পেটে ছিলেন, তাই সে মাছ জান্নাতে যাবে। (তাফসীরে রুহুল বয়ান, ১৫তম পারা, কাহাফ, ১৮নং আয়াতের পাদটিকা, ৫/২২৬। ১৮তম পারা, আখিয়া, ৮৮নং আয়াতের পাদটিকা, ৫/৫৭৮)

রাসূলে পাক صَلَّى اللهُ عَلَيْهِ وَآلِهِ وَسَلَّمَ এর পিতামাতা জান্নাতী

হে আশিকানে রাসূল! ভেবে দেখুন! যে মাছের পেটে আল্লাহর নবী হযরত সায়্যিদুনা ইউনুস عَلَيْهِ السَّلَام মাত্র কয়েক দিন ছিলেন, সে মাছ যদি জান্নাতে যায়, তবে যেই মুবারক পেটে হযরত সায়্যিদুনা ইউনুস عَلَيْهِ السَّلَام এর আক্বা মুহাম্মদে মুস্তফা صَلَّى اللهُ عَلَيْهِ وَآلِهِ وَسَلَّمَ কয়েক মাস পর্যন্ত তাশরীফ নিয়েছিলেন সেই বিবি আমেনা رَضِيَ اللهُ عَنْهَا আল্লাহর পানাহ কাফের অবস্থায় দুনিয়া থেকে যাবেন এবং কবর আযাবে লিপ্ত থাকবেন তা কিভাবে হতে পারে! নিঃসন্দেহে প্রিয় নবী صَلَّى اللهُ عَلَيْهِ وَآلِهِ وَسَلَّمَ এর সম্মানিত পিতামাতা رَضِيَ اللهُ عَنْهَا এর মুবারক জীবনের প্রতিটি মুহূর্তই একত্ববাদের (অর্থাৎ ঈমান অবস্থায়) উপর ছিলো এবং তাঁরা জান্নাতী, বরং আমাদের প্রিয় আক্বা, মক্কী

মাদানী মুস্তফা ﷺ এর সকল পূর্বপুরুষই ছিলেন একত্ববাদে বিশ্বাসী। যেমনটি নবী করীম ﷺ ইরশাদ করেন: “আমি সর্বদা পুতঃপবিত্র পুরুষের পিঠ থেকে পবিত্র স্ত্রীদের পেটে স্থানান্তরিত হয়েছি।”

(দালায়িলুন নবুয়ত লিআবী নুআইম, ফসলুস সানী, ২৮ পৃষ্ঠা, হাদীস ১৫)

ওলামায়ে কিরামের বাণী সমগ্র

আলা হযরত ইমাম আহমদ রযা খাঁন رَحْمَةُ اللهِ عَلَيْهِ এর ফতোওয়ায়ে রযবীয়ার ৩০তম খন্ডের ২৯৯ পৃষ্ঠায় বিদ্যমান আলোচনার সারাংশ হলো: “অসংখ্য আকাবির ওলামার মত হলো: রাসূলে পাক ﷺ এর প্রিয় পিতামাতা মুসলমান এবং আখিরাতে তাঁদের মুক্তির ফয়সালা হয়ে গেছে।” হযরত ইমাম জালালুদ্দীন সুযুতী শাফেয়ী رَحْمَةُ اللهِ عَلَيْهِ প্রিয় নবী ﷺ এর পিতামাতার ঈমানের ব্যাপারে ৭টি পুস্তিকা লিপিবদ্ধ করেছেন এবং তাঁদের ঈমান প্রমাণ করেছেন। কাযী ইমাম আবু বকর ইবনুল আরাবী মালেকী رَحْمَةُ اللهِ عَلَيْهِ কে এই প্রশ্ন করা হয়েছিলো যে, “এক ব্যক্তি বলে যে, হযরত ﷺ এর পূর্বপুরুষরা জাহান্নামী مَعَادَ اللهِ” তিনি বলেন: “এই ব্যক্তি অভিশপ্ত।”

(তাফসীরে রুহুল বয়ান, ১ম পারা, সূরা বাকারা, ১১৯নং আয়াতের পাদটিকা, ১/২১৮)

১৪শত বছর পরও শরীর নিরাপদ!

২১ জানুয়ারী ১৯৭৮ইং এর পত্রিকার রিপোর্ট অনুযায়ী মদীনায়ে পাকের মসজিদে নববীর সম্প্রসারণের জন্য খনন কালে প্রিয় নবী ﷺ সম্মানিত আব্বাজান হযরত সাযিয়্যুদুনা আব্দুল্লাহ ইবনে আব্দুল মুত্তালিব رَضِيَ اللهُ عَنْهُمَا এর শরীর মুবারক (দাফন হওয়ার ১৪শত বছরের বেশি সময় অতিবাহিত হয়ে গেছে এরপরও তাঁর কবর শরীফ থেকে) একেবারে তাজা অবস্থায় বের হয়ে আসে।

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

১২টি মাদানী কাজের মধ্যে একটি হলো “এলাকাযী দাওরা”

اَلْحَمْدُ لِلَّهِ আশিকানে রাসূলের মাদানী সংগঠন দাওয়াতে ইসলামী বিনয় ও নম্রতার মানসিকতা প্রদান করে এবং ইশকে মুস্তফার সূধা পান করিয়ে থাকে। সুতরাং এই নেয়ামত অর্জন করতে আপনারাও এই মাদানী পরিবেশের সাথে সম্পৃক্ত হয়ে যেলী হালকার ১২টি মাদানী কাজে অংশগ্রহনকারী হয়ে যান। আমীরে আহলে সুনাত دَامَتْ بَرَكَاتُهُمُ الْعَالِيَهُ এর পক্ষ থেকে প্রতিদিন কমপক্ষে ২ ঘন্টা মাদানী কাজের জন্য দেয়ার উৎসাহ দেয়া হয়েছে, নিঃসন্দেহে যে যতবেশি সময় দিবে, তার জন্য সাওয়াব অর্জন করার সুযোগও তেমনি বেশি হবে। اِنْ شَاءَ اللَّهُ

যেলী হালকার ১২টি মাদানী কাজের মধ্যে একটি মাদানী কাজ হলো “এলাকাযী দাওরা”। এই মাদানী কাজের অসংখ্য উপকারীতা রয়েছে, যেমন মসজিদ পূর্ণ থাকে। এলাকায় ব্যাপকভাবে মাদানী কাজ প্রসারিত হয়। নতুন নতুন ইসলামী ভাই মাদানী পরিবেশের সাথে সম্পৃক্ত হয়ে থাকে। বেনামাযীকে নামাযী বানানোর সৌভাগ্য নসীব হয়। আমীরে আহলে সুনাত دَامَتْ بَرَكَاتُهُمُ الْعَالِيَهُ এর দোয়ার অংশীদার এবং নেকীর দাওয়াত দেয়ার সুযোগ হয়। আসুন! উৎসাহ গ্রহনার্থে এলাকাযী দাওয়ার একটি ঘটনা শুনি।

মসজিদ আবাদ হয়ে গেলো

বাবুল মদীনার (করাচী) এক ইসলামী ভাইয়ের বর্ণনা হলো, আমাদের মাদানী কাফেলা পাঞ্জাব শহরের একটি মসজিদে পৌঁছলো। দরজায় তালা লাগানো ছিলো, অনেক চেষ্টা করে চাবি সংগ্রহ করলাম,

দরজা খুলতেই দেখলাম চারিদিকে ধুলোবালিতে ভরা, এমন লাগছে যেনো অনেকদিন ধরে মসজিদ বন্ধ হয়ে আছে, আমরা মিলেমিশে পরিষ্কার করলাম, আসরের নামাযের পর এলাকায়ী দাওয়া করার জন্য খেলার মাঠে গেলাম এবং খেলায় রত যুবকদেরকে নেকীর দাওয়াত দিলাম। اَلْحَمْدُ لِلّٰهِ অনেক যুবক সাথে সাথেই আমাদের সাথে যাওয়ার জন্য প্রস্তুত হয়ে গেলো, মসজিদে এসে আমাদের সাথে নামায পড়ার এবং সুন্নাতে ভরা বয়ান শ্রবণ করার সৌভাগ্য অর্জন করলো, আমাদের ইনফিরাদী কৌশিশে তারা মসজিদটিকে আবাদ করার নিয়ত করে নিলো।

صَلُّوْا عَلَيَّ الْحَبِيْب! صَلَّى اللهُ عَلَيَّ مُحَمَّدٍ

মসজিদের ইমাম ও ইমামত কোর্স মজলিশ

প্রিয় ইসলামী ভাইয়েরা! নেকীর প্রতি আরো বেশি আগ্রহী হতে এবং গুনাহ থেকে বাঁচার মানসিকতা বানাতে আশিকানে রাসূলের প্রিয় সংগঠন দাওয়াতে ইসলামীর সাথে সম্পৃক্ত হয়ে যান। اَلْحَمْدُ لِلّٰهِ দাওয়াতে ইসলামী নেকীর দাওয়াত প্রসার করতে ১০৮টিরও বেশি বিভাগে নেকীর দাওয়াতের সাড়া জাগিয়ে যাচ্ছে। এরমধ্যে একটি হলো “মসজিদের ইমাম ও ইমামত কোর্স মজলিশ”। যা মসজিদকে পরিপূর্ণ করার জন্য ইমাম ও মুয়াজ্জিন নিয়োগের কাজ করে থাকে এবং তাদের কল্যাণের জন্য বেতনও নির্ধারণ করা হয়, যাতে ইসলামী ভাইয়েরা আর্থিক সমস্যা থেকে মুক্ত হয়ে ব্যাপকভাবে নেকীর দাওয়াত প্রসার করতে পারে। মসজিদকে সমৃদ্ধ করাতে ইমাম ও মুয়াজ্জিনের গুরুত্বপূর্ণ দায়িত্ব থাকে। اَلْحَمْدُ لِلّٰهِ দাওয়াতে ইসলামীর মাদানী পরিবেশের সাথে সম্পৃক্ত ইমামগণ ফজরের নামাযের জন্য মুসলমানদের জাগানো, ইনফিরাদী কৌশিশের মাধ্যমে

জামাআত সহকারে নামাযের আত্মহ প্রদান, ফয়যানে সুন্নাতে দরস দেয়া, ফজরের নামাযের পর তাফসীরে কোরআনের হালকায় অংশগ্রহন করানো এবং সুন্নাতে প্রশিক্ষণের জন্য আশিকানে রাসূলকে কাফেলায় সফর করানোর মাধ্যমে মসজিদকে সমৃদ্ধ করে থাকে।

অনুরূপভাবে দা'ওয়াতে ইসলামীর একটি “ইমামত কোর্স মজলিশ”ও রয়েছে। যা ইমামতের আকাঙ্ক্ষী ইসলামী ভাইদেরকে ইমামত কোর্স করিয়ে থাকে। এই কোর্সের গুরুত্ব বর্ণনা করে আমীরে আহলে সুন্নাতে **دَامَتْ بَرَكَاتُهُمُ الْعَالِيَهُ** বলেন: “যে ইমামত করতে চায়, তার উচিত যে, সে যেনো ইমামত কোর্স অবশ্যই করে যদিও মাদানী হোক না কেন, কেননা ইমামত কোর্সে বিশেষ করে ইমামতের মাসআলা সমূহের প্রশিক্ষণ দেয়া হয়।” আশিকানে রাসূলের সহচর্য দ্বারা সমৃদ্ধ ইমামত কোর্সে যা কিছু শিক্ষা অর্জন করা যায়, তার বিস্তারিত জানার পর দ্বীনের প্রতি আত্মহী সকল মুসলমান সম্ভবত এটাই আফসোস করবে যে, আহ! যদি আমিও ইমামত কোর্স করার সৌভাগ্য করতাম। **الْحَمْدُ لِلَّهِ** ইমামত কোর্সে মৌলিক আক্বীদার উপর অনন্য প্রশিক্ষণ দেয়া হয়। অযু, গোসল, নামায, ইমামতি, কাফন ও দাফন, পাক নাপাক, বিবাহ পড়ানো এবং চাঁদা ইত্যাদি মাসআলা শিখানো হয়ে থাকে। কায়দা ও মাখরিজ সহকারে কোরআনে পাক পড়া এবং পড়ানো শিখানো হয়ে থাকে। চারিত্রিক প্রশিক্ষণের ধারাবাহিকতা থাকে। মাদানী কাজ করারও পরিপূর্ণ প্রশিক্ষণ দেয়া হয় আর কোর্স শেষে সনদও (সার্টিফিকেট) প্রদান করা হয়। **الْحَمْدُ لِلَّهِ** ইমামত কোর্সের বরকতে ইসলামী ভাইয়েরা ইমাম হয়ে বিদায় নেয় আর সমাজে সম্মানজনক স্থান লাভ করে, সুতরাং যে পারবে তার অবশ্যই ইমামত কোর্সের মাধ্যমে ইলমে দ্বীন অর্জন করা উচিত। আল্লাহ পাক দা'ওয়াতে

ইসলামীর সাথে সম্পৃক্ত সকল ইসলামী ভাইকে ইমামত কোর্স করার সৌভাগ্য নসীব করুক।

أَمِينٌ بِجَاوِ النَّبِيِّ الْأَمِينِ صَلَّى اللَّهُ عَلَيْهِ وَآلِهِ وَسَلَّمَ
صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

কোরআনে পাক স্পর্শ করার কয়েকটি মাসআলা

হে আশিকানে রাসূল! আসুন! পুস্তিকা “তिलाওয়াতের ফযীলত” এর ২১ নং পৃষ্ঠা থেকে “কোরআনে পাক স্পর্শ করার কয়েকটি মাসআলা” শ্রবণ করি: (১) যদি অযু না থাকলে কোরআনে পাক স্পর্শ করার জন্য অযু করে নেওয়া ফরয। (নূরুল ইযা, ১৮ পৃষ্ঠা) (২) স্পর্শ না করে দেখে দেখে (অযু ছাড়া) কোরআন শরীফ তিলাওয়াত করাতে কোন অসুবিধা নেই। (৩) কোরআনে করীম স্পর্শ করার জন্য বা সিজদায়ে তিলাওয়াত অথবা শোকরানার সিজদার জন্য পানির সুযোগ ও সামর্থ্য থাকা সত্ত্বে তায়াম্মুম করা জায়য নয়। (বাহারে শরীয়াত, ২য় অংশ, ১/৩৫২)

ঘোষণা

কোরআনে পাক স্পর্শ করার অবশিষ্ট মাসআলা তারবিয়্যতি হালকায় বর্ণনা করা হবে, সুতরাং তা জানতে তারবিয়্যতি হালকায় অবশ্যই অংশগ্রহন করুন।

দা'ওয়াতে ইসলামীর সাপ্তাহিক ইজতিমায় পাঠিত ৬টি দরুদ শরীফ ও ২টি দোয়া

(১) বৃহস্পতিবার রাতের দরুদ শরীফ:

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ النَّبِيِّ الْأُمِّيِّ الْحَبِيبِ الْعَالِي
الْقَدْرِ الْعَظِيمِ الْجَاهِ وَعَلَى آلِهِ وَصَحْبِهِ وَسَلِّمْ

বুয়ুর্গরা বলেছেন: যে ব্যক্তি প্রত্যেক জুমার রাতে (বৃহস্পতিবার দিবাগত রাত) এ দরুদ শরীফ নিয়মিতভাবে কমপক্ষে একবার পাঠ করবে মৃত্যুর সময় রাসূলে পাক صَلَّى اللهُ عَلَيْهِ وَآلِهِ وَسَلَّمَ এর যিয়ারত লাভ করবে এবং কবরে প্রবেশ করার সময় এটাও দেখবে যে, প্রিয় নবী صَلَّى اللهُ عَلَيْهِ وَآلِهِ وَسَلَّمَ আপন রহমতপূর্ণ হাতে তাকে কবরে রাখছেন।

(আফযালুস সালাওয়াতি আ'লা সায্যিদিস সাদাত, ১৫১ পৃষ্ঠা)

(২) সমস্ত গুনাহের ক্ষমা:

اللَّهُمَّ صَلِّ عَلَى سَيِّدِنَا وَمَوْلَانَا مُحَمَّدٍ وَعَلَى آلِهِ وَسَلِّمْ

হযরত সায্যিদুনা আনাস رَضِيَ اللهُ عَنْهُ থেকে বর্ণিত; নবী করীম, রউফুর রহীম صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “যে ব্যক্তি এ দরুদ শরীফ পাঠ করবে যদি সে দাঁড়ানো থাকে তবে বসার পূর্বে আর বসা থাকলে দাঁড়ানোর পূর্বে তার গুনাহ ক্ষমা করে দেয়া হবে।” (আফযালুস সালাওয়াতি আ'লা সায্যিদিস সাদাত, ৬৫ পৃষ্ঠা)

(৩) রহমতের ৭০টি দরজা:

صَلَّى اللهُ عَلَى مُحَمَّدٍ

যে ব্যক্তি এ দরুদ শরীফ পাঠ করবে তার উপর রহমতের ৭০টি দরজা খুলে দেয়া হয়। (আল কুউলুল বদী, দ্বিতীয় অধ্যায়, ২৭৭ পৃষ্ঠা)

(৪) ছয়লক্ষ দরুদ শরীফ পাঠ করার সাওয়াব:

اللَّهُمَّ صَلِّ عَلَى سَيِّدِنَا مُحَمَّدٍ عَدَدَ مَا فِي عِلْمِ اللَّهِ صَلَاةً دَائِمَةً بَدًا وَإِمْرًا مُلْكِ اللَّهِ

হযরত আহমদ সাভী رَحْمَةُ اللَّهِ عَلَيْهِ কতিপয় বুয়ুর্গদের থেকে বর্ণনা করেন: এ দরুদ শরীফ একবার পাঠ করলে ছয়লক্ষবার দরুদ শরীফ পাঠ করার সাওয়াব অর্জন হয়। (আফযালুস সালাওয়াতি আ'লা সায্যিদিস সাদাত, ১৪৯ পৃষ্ঠা)

(৫) নবী করীম ﷺ এর নৈকট্য লাভ:

اللَّهُمَّ صَلِّ عَلَى مُحَمَّدٍ كَمَا تُحِبُّ وَتَرْضَى لَهُ

একদিন এক ব্যক্তি আসলো প্রিয় নবী صَلَّى اللَّهُ عَلَيْهِ وَآلِهِ وَسَلَّمَ তাঁকে নিজের এবং সিদ্দীকে আকবর رَضِيَ اللَّهُ عَنْهُ এর মাঝখানে বসালেন এতে সাহায্যে কিরামগণ عَلَيْهِمُ الرِّضْوَانُ আশ্চর্যান্বিত হলেন যে এ সম্মানিত লোকটি কে! যখন তিনি চলে গেলেন তখন রাসূলে পাক صَلَّى اللَّهُ عَلَيْهِ وَآلِهِ وَسَلَّمَ ইরশাদ করলেন: “সে যখন আমার উপর দরুদ শরীফ পাঠ করে তখন এভাবে পড়ে।”

(আল কুউলুল বদী, প্রথম অধ্যায়, ১২৫ পৃষ্ঠা)

(৬) দরুদে শাফায়াত:

اللَّهُمَّ صَلِّ عَلَى مُحَمَّدٍ وَأَنْزِلْهُ الْمَقْعَدَ الْمُقَرَّبَ عِنْدَكَ يَوْمَ الْقِيَامَةِ

নবী করীম, রউফুর রহীম صَلَّى اللَّهُ عَلَيْهِ وَآلِهِ وَسَلَّمَ ইরশাদ করেন: “যে ব্যক্তি এভাবে দরুদ শরীফ পাঠ করবে, তার জন্য আমার শাফায়াত (সুপারিশ) ওয়াজীব হয়ে যায়।” (আত তারগীব ওয়াত তারহীব, ২/৩২৯, হাদীস ৩০)

(১) এক হাজার দিনের নেকী

جَزَى اللَّهُ عَنَّا مُحَمَّدًا مَا هُوَ أَهْلُهُ

হযরত সায্যিদুনা ইবনে আব্বাস رَضِيَ اللَّهُ عَنْهُمَا থেকে বর্ণিত, প্রিয় আক্কা, মক্কী মাদানী মুস্তফা صَلَّى اللَّهُ عَلَيْهِ وَآلِهِ وَسَلَّمَ ইরশাদ করেন: “এ দোয়া পাঠকারীর জন্য

সত্তরজন ফিরিশতা এক হাজার দিন পর্যন্ত নেকী সমূহ লিখতে থাকেন।”

(মাজমাউয যাওয়ানিদ, কিতাবুল আদইয়াহ, ১০/২৫৪, হাদীস ১৭৩০৫)

(২) যেন শবে কদর পেয়ে গেলো:

لَا إِلَهَ إِلَّا اللَّهُ الْحَلِيمُ الْكَرِيمُ سُبْحَانَ اللَّهِ رَبِّ السَّمَوَاتِ السَّبْعِ وَرَبِّ الْعَرْشِ الْعَظِيمِ

সহনশীল দয়ালু আল্লাহ পাক ব্যতীত ইবাদতের উপযোগী কেউ নেই।

আল্লাহ পাক পবিত্র, যিনি সপ্ত আসমান ও আরশে আযীমের মালিক ও প্রতিপালক।

ফরমানে মুস্তাফা صَلَّى اللَّهُ عَلَيْهِ وَآلِهِ وَسَلَّمَ: যে ব্যক্তি রাতে এ দোয়া তিনবার পড়ে নিবে সে যেন শবে কদর পেয়ে গেলো। (তারীখে ইবনে আসাকীর, ১৯/৪৪১৫)